

569067

平定兩金川方畧

四
三

平定縣志

卷一

序

平定兩金川方略卷之一百十九

五月甲子。明亮舒常奏言。查基木斯丹當噶。右手山腿一道。名札烏古。上通甲索山梁。下至河沿。橫絕去路。官兵難以仰攻。轉須由甲索巴舍什下壓曲碩木。若乘勢掃除巴布里。巴克札一帶礮卡。搶佔札烏古山梁。則溝內各寨皆可迎刃而解。隨於初三日。抽調漢土官兵。派令奎林

和隆武等。昏夜起程。由達爾圖山梁遠行使賊。不及知覺。約於初五日分作數路。猝行進攻。並密札敖成卽在甲索挑派壯勇數百。順梁下壓。同時夾攻。是夜風雨大作。至初六日不止。嗣於初六日。據敖成稟稱。初五日統兵直抵巴布里山脊礮卡。旋見大雪復作。我兵勢難再退。隨卽繞出賊礮後面。截住圍攻。一面先將左右卡隘。

四座立時搶佔。其礮內賊人分頭逃逸。被官兵

殺死十餘名。

臣

等查甲索山勢自最高峯頂下

至沿河綿延三四十里。其南面另起山梁一道。

更爲高峻。卽名乃當。亦係甲索分支。所有殘敗

各番俱結聚於此。以圖自固。

臣

等現擬掃淨出

碩木沿山一帶賊境。卽另爲設法辦理。務期克

此札烏古一道山梁。則勒烏圍隔河甚近。更不

難一舉成功。再查自宜喜克捷以來。所得地方

甚廣。臣等現將後路各要隘。自覺木交至宜喜

山梁。派令李時擴專管。自得楞以上。至達爾圖

山梁。並木克什巴舍什等處。派令董果管理。自

得楞以下。直至前敵各營盤。派令馬彪專管。庶

分開段落。各有責成。而防守益昭慎重。奏入

上諭軍機大臣曰。明亮等奏攻獲巴布里地方。礮

殺賊情形。敖成於大雪中奮勇攻克賊碉。追殺賊衆甚屬可嘉。著明亮等查明出力之弁。兵一併咨部議敘。又所奏自覺木交起至宜喜山梁。派令李時擴專管。恐尚不足恃。宜喜軍營原留馬彪。都蘭嘉。帶兵防駐。應令馬彪。都蘭嘉妥協嚴防。毋稍疎懈。

丁卯。富德奏言。本月初五日。據駐防布咱納副

都統札爾桑報稱。本日辰刻。有賊番在前敵喊

叫。將索諾木兄弟等稟帖。夾於樹枝插地。遁入

碉卡。土兵等取回呈報。臣譯其稟詞閃爍。明係

因各路大兵。夾攻甚急。設爲詐謀。搖動我兵。恃

此路山險。欲將賊衆撤往西北兩路。以圖抵拒。

臣又近訊得脫出小金川番民。擲木卡。供稱逆

酋等商議。現今西北兩路大兵甚多。攻圍實屬

利害。惟南路大兵尙少。莫若選派番衆潛往馬駱駝溝等處。將大兵後路追截。搶佔糧食火藥。再向西北兩路求降。自然必准等語。伏思逆酋滅亡在即。尙敢逞兇。虻伎倆。欲行滋擾後路。殊堪髮指。臣已抽撥官兵二三百名。派侍衛章京等帶領前往馬尼駱駝溝後路一帶協防。奏入。上諭軍機大臣曰。富德奏抽撥官兵二三百名前往。

馬尼駱駝溝一帶協防。富德一路現兵甚少。只可
俟阿桂明亮等攻克勒烏圍時。分兵往會。夾攻馬
爾邦。引進南路之兵。會攻噶拉依。自更得力。又所
奏逆酋索諾木弟兄。遣賊番在卡外喊叫投稟。譯
出稟詞進呈。今閱其稟內所稱。懇求大皇帝在我
們地方上。也照西藏一帶。安大人官兵等語。今川
番衆。譬猶蟲蟻一般。乃妄思比之西藏佛地。況逆

酋兄弟罪大惡極。斷難輕宥。何得尙與如西藏之
加恩照料。是其心不知悔罪。且敢如此措詞狂誕。
將來蕩平噶拉依。不但其大小頭人不可寬減。卽
散番中之稍覺桀驁者。亦當察明正法。以靖凶孽。
著將此傳諭阿桂等知之。

同日。富勒渾。劉秉恬奏言。查楸砮。日爾拉。大板
昭一帶。雖係西路糧運正路。但西路兵夫需糧。

平定回疆方略卷之三百六十五
五
倍多。上年秋冬間。臣等

奏請開通別斯滿一路餉道協供。始堪接濟。是一
路專供一路軍糧。尚須分途協運。今以一路分
供兩路。恐不足深恃。計西北兩路兵夫。每日約
需米一千餘石。加以軍裝軍火絡繹趕運。設專
恃日爾拉一路。或有不繼。關係非輕。且北路之
夫。仍須添安西路。一經調撥。奔涉數百里。道路

之間零星逃散。恐北路之夫盡歸烏有。而西路各站亦難得實濟。况北路卓克采等處久經派定商米。現已趕運在途。輾轉改撥。倘商夫等觀望不前。更不免有夫逃米失之事。臣等悉心熟籌。兩軍現已會合。北路軍營之糧自應將北路巴爾康從噶克至得楞十五站盡行裁撤。其自卓克采至達斯滿十三站應仍照舊安設。卽由

脂覺溝。孟拜拉。接添兩站。運交色木多會合西
路。俾站夫商米。既無庸另事更張。而分路運供。
尤歸妥速。其從噶克一帶所裁夫數。添安色木
多以前。及新設各站。亦屬有減無增。不致糜費。
奏入。

上諭軍機大臣曰。前據鄂寶等奏。西北兩路大兵會
合。所有糧運臺站。應行歸併一路。已經批准允行。

今據富勒渾。劉秉恬奏稱。請將自卓克采至達斯
浦十三站。仍照舊安設等語。富勒渾等就情形通
盤合計。較之鄂寶所籌。尤爲周到。所有卓克采一
帶糧臺。著照所奏。仍行酌留。並卽諭令鄂寶文綬
等一體妥爲辦理。

戊辰。阿桂。豐昇。額海蘭察。額森特奏言。查第三
條山腿。將至平壩。爲赤布寨。有戰礮七座。回環

互守。必須攻克此寨。則直下河干。始無阻碍。臣

等於初八日寅刻。派兵進攻。至巳刻。未能得手。

但赤布寨之北。爲得思古寨。自高而下。礮寨雖

多。若出其不意。不難攻奪。而旣取得思古寨。順

溝下至瀕河。則噶朗噶及噶爾丹寺。亦俱攔截。

在內。與從赤布寨而下。形勢無殊。當將官兵酌

撤。至申酉間。沿溝潛進。突然攻搶賊人放鎗抵

禦而官兵業已分頭搶入。遂將得思古各寨均
行佔住。其得思古寨迤而西北。尚有寨落數處。
初九日乘勢攻獲。而五福等亦從安吉山腿迤
邐下攻。克取大寨二座。因思赤布寨在山腿盡
處。形勢甚陡。今官兵旣克得思古寨。可以抄出
其後。因於初十日前後合攻。將赤布寨卽行攻
獲。是日各領隊等。又卽帶兵將噶爾丹寺南面